



Gwasanaeth
Mabwysiadu
Cenedlaethol

National
Adoption
Service

Cylchlythyr NAS 2024



Rhagair gan Suzanne

Rwy'n falch o gael rhannu cylchlythyr eleni gyda chi, sy'n cynnwys newyddion, gwybodaeth ac uchafbwyntiau o 2023, yn ogystal ag edrych ymlaen at 2024. Rwy'n gobeithio y bydd y cynnwys yn ddiddorol, yn llawn gwybodaeth ac yn ddefnyddiol ar gyfer y flwyddyn i ddod ble bynnag yr ydych yng Nghymru.

Roedd 2023 unwaith eto yn flwyddyn brysur ond cyffrous iawn i bawb yn y Gwasanaeth Mabwysiadu Cenedlaethol. Nod yr holl Awdurdodau Lleol, Gwasanaethau Mabwysiadu Rhanbarthol ac Asiantaethau Mabwysiadu Gwirfoddol (VAA) oedd sicrhau bod gwybodaeth a chymorth o ansawdd yn cael eu darparu i bawb - o ymholiadau mabwysiadu cychwynnol hyd at ein mabwysiadwyr yn defnyddio gwasanaethau ôl-fabwysiadu.

Yn 2023, cyflawnodd NAS lawer o ymrwymadau pwysig:

- Lansio polisiâu a gweithdrefnau mabwysiadu Cymru Gyfan ac ailfrandio Ap NAS
- Cynnal dau ddigwyddiad Sgwrs Mabwysiadu Fawr (gan ymgysylltu â staff a defnyddwyr gwasanaeth o bob rhan o'r wlad)
- Ymateb i adroddiad interim y Gweithgor Cyfraith Gyhoeddus ar fabwysiadu
- Ymateb i ymddiheuriad y Dirprwy Weinidog i'r rhai yr effeithiwyd arnynt gan fabwysiadu yn y gorffennol drwy lansio prosiect peilot i gynnig cymorth

- Rhyddhau'r podlediad gwobrwyog Dweud y Gwir yn Blaen: Straeon Mabwysiadu yn cynnwys pennod a gynhyrchwyd gan bobl ifanc, mabwysiedig
- Ail-lansio ein hymgyrch recriwtio 'Dewis Teulu'

Wrth i ni symud i mewn i 2024, rydym yn dal yn ymwybodol iawn o'r heriau a wynebir gan bob teulu yng Nghymru, oherwydd yr argyfwng costau byw parhaus, ac rydym am roi sicrwydd i bawb bod cymorth ar gael o hyd. Cysylltwch â'ch rhanbarth lleol, neu VAA, os ydych chi'n cael anawsterau yn ymwneud â mabwysiadu.

Hoffwn orffen drwy ddweud diolch enfawr i'n holl fabwysiadwyr, gofalmwyd maeth ac eraill sy'n rhan o'r 'tîm' yng Nghymru. Rydych chi i gyd yn dangos ymrwymiad a chefnogaeth anhygoel wrth helpu i leoli a chefnogi plant mewn cartrefi cariadus. Diolch i bawb yng Ngwasanaeth Mabwysiadu Cenedlaethol Cymru am eich gwaith caled. Mae wir yn gwneud gwahaniaeth.

Blwyddyn Newydd Dda iawn i chi!



Cyfarwyddwr Gwasanaeth Mabwysiadu Cenedlaethol Cymru



Uchafbwyntiau 2023

Llinell Amser

Ionawr – Mawrth

- Cynnal y gyntaf o ddwy 'Sgwrs Mabwysiadu Fawr'
- Dathlu Wythnos Mabwysiadu a Maethu LHDTQ+
- Lansio pennod Y Bobl Ifanc Piau Hi (gyda CONNECT a Connected) ym mhodlediad Dweud y Gwir yn Blaen

Ebrill – Mehefin

- Wedi derbyn canmoliaeth uchel yn y categori 'Adeiladu Dyfodol Disglair i Blant a Theuluoedd' yng Ngwobrau Gofal Cymdeithasol 2023 ar gyfer TESSA (LLWYBRAU: PATHWAYS)
- Datgelodd ymchwil gan Adoption UK fod Cymru, ymhlith gwledydd y DU, yn darparu'r cymorth gorau i blant mabwysiedig ddeall hanes eu bywydau
- Rhannu pwnc mabwysiadu yn ystod PRIDE Cymru

Hydref – Rhagfyr

- Dathlu Wythnos Genedlaethol Mabwysiadu 2023
- Ail-lansio ymgyrch #DewisTeulu
- Lansio Polisiâu a Gweithdrefnau mabwysiadu Cymru Gyfan a diweddarau ap NAS
- Mabwysiadwyr a rennir, straeon Tasha a Faith

Gorffennaf – Medi

- Cynnal sesiynau hwyl a darllen gyda plant a phanel gyda Maethu Cymru yn yr Eisteddfod
- Lansio pecyn cymorth 'Mabwysiadu yn Eich Busnes' i gefnogi cyflogwyr gyda pholisiâu mabwysiadu
- Ennill Gwobr Podlediad Prydeinig am Dweud y Gwir yn Blaen: Straeon Mabwysiadu (roedd y cyfrannwr Ellie-Rose yn bresennol ar gyfer NAS)



Uchafbwyntiau o'ch gwasanaethau lleol ledled Cymru

Mabwysiadu Canolbarth a Gorllewin Cymru



Mabwysiadu
Canolbarth a Gorllewin Cymru
Adoption
Mid & West Wales

Ein ffocws yn 2023 oedd cynyddu ein cynnig o gefnogaeth sydd ar gael i deuluoedd.

Yn ystod hanner tymor mis Mai, buom yn Eisteddfod yr Urdd yn Llanymddyfri lle buom yn cynnal llawer o weithgareddau hwyliog i blant ac yn sgwrsio gyda rhieni a darpar rieni am fabwysiadu.

Fe wnaethom ailgyflwyno ein diwrnodau hwyl poblogaidd, sy'n cynnig cyfle i deuluoedd ddarganfod mwy am y gefnogaeth sydd ar gael a chysylltu â theuluoedd eraill yn yr ardal. Ym mis Awst, mwynhaodd teuluoedd ddiwrnod ar y traeth yn Poppit. Mwynhaodd ein mabwysiadwyr o Bowys ddiwrnod ar y fferm hefyd. Yn ystod hanner tymor mis Hydref, fe wnaethom drefnu picnic a digwyddiad chwarae ym Mharc Gwledig Pen-bre. Cafodd ein mabwysiadwyr ym Mhowys amser 'arswydus' gyda gweithgareddau ar thema Calan Gaeaf.

Ar gyfer Wythnos Genedlaethol Mabwysiadu, roeddem yn canolbwyntio ar recriwtio darpar fabwysiadwyr ar gyfer grwpiau o siblingiaid yn y rhanbarth. Drwy gydol yr wythnos, buom yn edrych ar fanteision mabwysiadu dau neu fwy o blant, a'r sgiliau sydd eu hangen, a buom hefyd yn siarad am y cymorth sydd ar gael ar ôl mabwysiadu.

Eleni, rydym wedi cynyddu argaeledd ein grwpiau cymorth, gan gynnwys ailgychwyn ein grŵp cyn-ysgol, sy'n rhedeg ddwywaith y mis yn ystod y tymor, yn Llanelli. Rydym hefyd wedi cyflwyno grŵp newydd o'r enw Heart-to-heart; sy'n defnyddio'r ymchwil ymlyniad diweddaraf i gefnogi teuluoedd i adeiladu a chryfhau perthnasoedd trwy weithgareddau chwarae pleserus, rhyngweithiol ac ysgafn.

Rydym wedi cryfhau ein rhaglen hyfforddi gadarn gyda themâu a phynciau perthnasol ar gyfer cyn ac ar ôl cymeradwyo, gan weithio ar y cyd â Gogledd Cymru ar lawer o gyrsiau. Gwelsom hefyd gynnydd mawr mewn ymholiadau ar gyfer Gwybodaeth Sefydlogrwydd Cynnar Cymru – sy'n cael ei groesawu gan ddarpar fabwysiadwyr.

Mae cynlluniau eisoes ar y gweill ar gyfer ein diwrnodau hwyl 2024 ac ar gyfer ehangu ein grwpiau cymorth cyn-ysgol i rannau eraill o'r rhanbarth. Byddwn hefyd yn ceisio cynyddu dealltwriaeth o waith taith bywyd, cyswllt â theuluoedd biolegol, a byddwn yn gweithio'n agos gydag ysgolion ar ein gwobr ysgol sy'n ymwybodol o ymlyniad.

Dewch o hyd i ni yn:

adoptionmwwales.org.uk/

mabwysiaducgcymru.org.uk/

facebook.com/adoptmwwales

 twitter.com/adoptmw_wales

 instagram.com/adoptmwwales

Gwasanaeth Mabwysiadu Gogledd Cymru



Gwasanaeth
Mabwysiadu
Gogledd Cymru

North Wales
Adoption
Service

Fe wnaethom barhau i fod yn brysur gyda'n gweithgaredd craidd o asesu darpar fabwysiadwyr ar gyfer ein plant sy'n aros i gael eu mabwysiadu.

Cawsom flwyddyn brysur yn y gymuned, yn mynychu digwyddiadau gan gynnwys Prom Xtra Conwy, yr Eisteddfod Genedlaethol ym Mhwlheli, Sioe Môn, Sioe Sir y Fflint a Sir Ddinbych, 'Tour of Britain' Seiclo Prydain yn Wrecsam a Chlwb Pêl-droed Wrecsam.

Cawsom sylw rhagorol ar Newyddion ITV Cymru ar gyfer Wythnos Genedlaethol Mabwysiadu, gan gynnwys ymweliad â Chlwb Pêl-droed Wrecsam a chyfweliad mabwysiadu, a arweiniodd at gynnydd mawr yn y traffig ar y we. Cawsom nifer fawr o ymweliadau â thudalennau ar 18 Hydref 2023, pan ddaeth ein taith codi ymwybyddiaeth ar hyd Llwybr Arfordir Gogledd Cymru i ben, gyda nifer uchel o'r rhain yn ymwelwyr newydd.

Ein digwyddiad mwyaf oedd y Diwrnod Hwyl blynyddol, a fynychwyd gan bron i 300 o bobl. Mae'r digwyddiad yn blaenoriaethu "gofod diogel" i blant archwilio a mwynhau gweithgareddau – gan gynnwys crefftiau ac addurno cacennau, gemau ffair, offer gwynt anferth, paentio wynebâu, consuriwr, a disgo.

Dywedodd un rhiant mabwysiadol:

"Roedd yn galonogol gweld fy mhlentyn, sydd fel arfer wedi'i lethu gan drawma blaenorol, yn gallu ei ysgwyd i ffwrdd a rhedeg o gwmpas heb ofal yn y byd – jyst cael hwyl, teimlo'n ddiogel a bod yn nhw eu hunain. Mae'r eiliadau hyn yn brin ac yn gwbl amhrisiadwy!"

Eleni, fe wnaethom barhau i gynnal sesiynau grŵp Aros a Chwarae, gyda llawer o deuluoedd yn mynychu. Roedd yn wych gweld cymaint o bobl yn gwneud ffrindiau, yn rhannu gwybodaeth, ac yn cefnogi ei gilydd mewn awyrgylch hamddenol.

Fe wnaethom hefyd barhau i gynnal grwpiau ar gyfer rhieni biolegol ac rydym wedi cael sawl aduniad rhwng oedolion mabwysiedig a rhieni biolegol. Rydym hefyd wedi cael mwy o fabwysiadwyr a theuluoedd biolegol yn cysylltu eleni trwy gyswllt blwch llythyrau, gyda mwy o rieni biolegol yn gofyn am help i ysgrifennu llythyrau. Yn fwy cadarnhaol, rydym hefyd wedi cael cwpl o gysylltiadau uniongyrchol rhwng siblingiaid, ac roedd yn bleser gweld hynny.

Yn 2024, byddwn yn parhau i gefnogi ein teuluoedd mabwysiadol, bod allan yn y gymuned i ledaenu gwybodaeth am fabwysiadu, a recriwtio mwy o rieni ymroddedig ar gyfer ein plant sy'n aros.

Dewch o hyd i ni yn:

northwalesadoption.co.uk

facebook.com/mabwysiadugogleddcymru



twitter.com/nw_adoption

Gwasanaeth Mabwysiadu De-ddwyrain Cymru



South East Wales Adoption Service
Achieving More Together

Yn ystod 2023, rydym wedi llwyddo i gael ein cymeradwyaeth Gwybodaeth Sefydlogrwydd Cynnar Cymru (SCC) cyntaf, gyda nifer o ymholiadau am SCC hefyd yn cael eu gwneud gan ddarpar fabwysiadwyr.

Rydym hefyd wedi parhau i godi ymwybyddiaeth o SEWAS fel gwasanaeth ac i ddechrau'r sgysiau gwerth chweil, ond weithiau anodd, ynghylch mabwysiadu fel y gallwn ddenu mabwysiadwyr sy'n diwallu anghenion plant sy'n aros i gael eu mabwysiadu.

Digwyddodd enghraifft wych o godi ymwybyddiaeth yn ystod Wythnos Mabwysiadu Genedlaethol 2023. Fe wnaethom ddylunio baner fawr â brand y gwnaethom ei chyflwyno i'r gymuned leol a chreu cyfleoedd tynnu lluniau gyda busnesau bach, timau chwaraeon cymunedol, ysgolion, a'n gwasanaethau sector cyhoeddus. Ein nod oedd i drigolion adnabod baner SEWAS a dechrau sgysiau am fabwysiadu!

Eleni, mae ein tîm cymorth mabwysiadu hefyd wedi cynnal digwyddiadau i blant, rhieni, a theuluoedd biolegol, gan gynnwys y Diwrnod Mabolgampau ar thema Dŵr llwyddiannus.

Mynychodd bron i 30 o bobl ifanc mabwysiedig y digwyddiad hwn, yn ogystal â staff SEWAS, y grŵp Connected, cydweithwyr o Dîm Canolog NAS, a Julie Morgan, y Dirprwy Weinidog dros Wasanaethau Cymdeithasol. I lawer o'r bobl ifanc, roedd yn brynhawn synhwyraidd llwyddiannus.

Uchafbwynt cyfryngau 2023 i SEWAS oedd ein Rheolwr Gwasanaeth, Becky Jones, a Mabwysiadwr SEWAS Abbey, yn ymddangos ar BBC Radio Wales yn ystod Wythnos Genedlaethol Mabwysiadu. Roedd yn wych gwrando ar eu profiadau go iawn, gan gydnabod amseroedd cadarnhaol ond hefyd yn tynnu sylw at yr heriau y gall mabwysiadwyr eu hwynebu. Roedd yn graff inni glywed stori mabwysiadwr yn uniongyrchol, ac roedd gwrandawyr yn cytuno.

Mae ein tîm cymorth mabwysiadu wrthi'n cynllunio digwyddiadau cyffrous a newydd ar gyfer 2024.

Yn y flwyddyn newydd, rydym yn bwriadu mynychu mwy o ddigwyddiadau lleol i barhau i gynyddu amlygrwydd ar gyfer y gwasanaeth. Ochr yn ochr â hyn, mae cynlluniau ar waith i dyfu ein rhestr o lysgenhadon mabwysiadu, felly yn y dyfodol gallwn weithio gyda mwy o rieni mabwysiadol ar brosiectau newydd a chyffrous.

Dewch o hyd i ni yn:

southeastwalesadoption.co.uk

facebook.com/SEWASAdoption



instagram.com/sewasadoption

Mabwysiadu yn y Fro, y Cymoedd a Chaerdydd



Yn 2023, fe wnaethom barhau i dyfu ac ehangu ein gwasanaeth. Rydym wedi cael llif cyson o geisiadau ac asesiadau, o fewn ein Timau Recriwtio a Chymorth Mabwysiadu.

Ar hyn o bryd rydym yn treialu rhaglen o Hybiau Teulu ar draws y rhanbarth i ymgysylltu â grŵp ehangach o blant a rhieni mabwysiadol. Mae hyn yn cael ei gynnal gan ein dau Swyddog Gofal Cymdeithasol, Nicola a Chris, gyda chefnogaeth ein Cydlynnydd LLWYBRAU, Lisa. Mae llawer o deuluoedd o bob rhan o'r rhanbarth yn mynychu'n aml, ac mae'n wych eu gweld yn gwneud ffrindiau, yn cael hwyl, ac yn cael cefnogaeth gan deuluoedd eraill ar yr un daith. Dywedodd un teulu:

"Rydym yn edrych ymlaen yn fawr at ddod i'r Hyb! Rwyf wedi cael trafferth i deimlo'n gyffyrddus mewn grwpiau plant bach eraill, felly mae'n dda i mi gyfarfod a sgwrsio â rhieni mabwysiadol eraill. Mae wedi bod yn wych rhannu profiadau a theimlo cefnogaeth gan bobl sy'n deall."

Eleni, dechreuodd ein tîm 'Grŵp Gemau' wythnosol yn ystod y tymor ar gyfer pobl ifanc yn eu harddegau, sydd wedi bod yn llwyddiant ysgubol. Yn agored i bob un o'r pedwar rhanbarth, mae'n rhoi'r cyfle i'n pobl ifanc gysylltu ag eraill, meithrin cyfeillgarwch a magu hyder. Yn yr haf, bu'r grŵp yn cerdded Mynydd Pen-y-fâl yn y Fenni, a oedd yn gamp anhygoel. Ym mis Hydref, aeth y grŵp i Wyl Casglu Pwmpen Caerdydd. Wrth edrych i mewn i 2024, rydym yn bwriadu ehangu'r 'Grŵp Gemau' ar gyfer plant 7-11 oed.

Eleni, fe wnaethom gynnal dau ddiwrnod o hwyl i'r teulu. Roedd digwyddiad yr haf – a gefnogwyd gan Dîm Chwarae Morgannwg a'r grŵp Connected – yn cynnwys paentio wynebau, gwneud llysnafedd, castell

neidio, chwarae meddal, a gwneud bathodynau. Diwrnod hwyl y Nadolig oedd ein digwyddiad mwyaf eto, gyda 76 o deuluoedd yn bresennol. Roedd y digwyddiad yn cynnwys: crefftau Nadolig, addurno bisgedi, gwneud llysnafedd gliter, chwarae meddal, castell neidio, gweithdy graffiti gan y Grŵp Connected, a hyd yn oed ymweliad gan Siôn Corn! Mae cynlluniau ar gyfer digwyddiadau 2024 eisoes ar y gweill!

Yn ystod Wythnos Genedlaethol Mabwysiadu, fe wnaethom hyrwyddo cyfleoedd i ymgysylltu â dysgu pellach am fabwysiadu. Arweiniodd hyn at gynnydd yn nifer y dilynwyr, ac edrychwn ymlaen at adeiladu ar hyn wrth symud ymlaen. Bu rhai o'n teuluoedd mabwysiadol hefyd yn cymryd rhan yn ymgyrchoedd ehangach NAS drwy gydol y flwyddyn.

Mae 2023 wedi bod yn flwyddyn brysur, gynhyrchiol a llawn hwyl ac fel tîm, rydym yn edrych ymlaen yn fawr at weld yr hyn a ddaw yn 2024!

Dewch o hyd i ni yn:

adopt4vvc.org

 [instagram.com/vvcadoption](https://www.instagram.com/vvcadoption)

 [instagram.com/mabwysiadufcc](https://www.instagram.com/mabwysiadufcc)

[facebook.com/vvcadoption](https://www.facebook.com/vvcadoption)

[facebook.com/mabwysiadufcc](https://www.facebook.com/mabwysiadufcc)

Mabwysiadu Bae'r Gorllewin



Eleni, rydym wedi cynyddu ein hallgymorth cymunedol i helpu pobl i ddeall y broses fabwysiadu ac anghenion plant sy'n aros yn well.

O ran marchnata ac allgymorth, roedd Sioe Awyr Cymru yn uchafbwynt. Cawsom ymateb gwych i nwyddau newydd a brandio, ac yn dilyn y digwyddiad, cawsom 10 ymholiad mabwysiadu. Uchafbwynt arall oedd Ras Rafftau'r Mwmbwls yr RNLI, lle gwnaethom adeiladu rafft wedi'i frandio i godi ymwybyddiaeth o'r gwasanaeth. Roedd hwn yn weithgaredd traws-wasanaeth gyda Gwasanaethau Goleuo Cyngor CNPT, gan ein helpu i adeiladu partneriaethau lleol. Yn dilyn yr ymdrechion allgymorth hyn a hysbysebion newydd y tu allan i'r cartref, yn ystod yr haf, fe wnaethom ddyblu nifer ein hymholiadau ers y flwyddyn flaenorol.

Ym mis Gorffennaf, daeth ein grŵp LEAPlets cyntaf un i ben mewn Canolfan Gymnasteg leol. Rydym yn cydnabod bod rhai o'n plant yn cael trafferth gydag agweddau ar symud a'u systemau synhwyrdd. Felly, fe wnaethom ni ymuno â Sarah Lloyd, sylfaenydd y Model BUSS, sydd wedi'i gynllunio i helpu i ailadeiladu systemau echddygol synhwyrdd plant. Rydym wrth ein bodd gyda'r cynnydd a wnaed yn ystod y cyfnod cymharol fyr ac mae gennym gynlluniau ar waith ar gyfer rhaglenni'r dyfodol.

Uchafbwynt arall y flwyddyn fu'r grwpiau ymgysylltu ar gyfer mamau biolegol y mae mabwysiadu'n effeithio arnynt. Mae'r grwpiau wedi helpu'r mamau i ddysgu sgiliau newydd a gwneud ffrindiau. Roeddem yn arbennig o falch bod rhai aelodau o'r grŵp wedi ymuno â ni yn ystod Wythnos Genedlaethol Mabwysiadu ar ein taith gerdded traws-awdurdod – gan ein helpu i arddangos ehangder y cymorth y gall WBAS ei gynnig i bawb y mae mabwysiadu'n effeithio arnynt.

Yn olaf, dychwelodd ein Diwrnodau Gwrandawriad Llys Dathlu Mabwysiadu. Roeddent yn ddigwyddiadau emosiynol rhyfeddol lle gwnaethom greu amgylchedd gwrandawriad llys i blant a gollodd y broses oherwydd COVID-19!

Gan edrych ymlaen at y Flwyddyn Newydd, mae ein nawdd i Lwybr Celf 'Cestyll yn yr Awyr' Ambiwlans Awyr Cymru yn Abertawe yn addo dod â ffrwydrad o liw a hwyl rhyngweithiol dros yr haf.

Rydym hefyd yn edrych ymlaen at ehangu rhai o'n partneriaethau chwaraeon cymunedol drwy ymwneud â Chlwb Rygbi Castell-nedd, yn ogystal â'n hymwneud ag Academi Cigfrain Pen-y-bont ar Ogwr ac Academi CPD Pen y Bont ac at greu rhywfaint o gynnwys gweledol newydd lle bydd mabwysiadwyr, gweithwyr cymdeithasol, a phobl ifanc mabwysiedig yn rhannu eu gwybodaeth a'u profiad o gwmpas ystod o bynciau perthnasol.

Dewch o hyd i ni yn:

westernbayadoption.org/

facebook.com/westernbayadoption

 twitter.com/bayadoption

 instagram.com/western_bay_adoption

Dros 2023 rydym wedi mwynhau cynyddu ein hamser personol gyda theuluoedd, a gyda'n gilydd. Roeddem yn arbennig o falch o gael ein Pennaeth Busnes Cynorthwyol, Sarah, a Phennaeth Busnes, Brenda, i ymuno â ni ar gyfer ein dathliad haf. Yma daeth ein staff a'n teuluoedd ynghyd yn Heatherton World of Activities, gyda'r plant yn herio Sarah a Brenda yn llwyddiannus i sawl gweithgaredd a gêm hwyliog.

Yng Ngogledd Cymru, mwynhaodd ein teuluoedd a'n staff ddiwrnod llawn haul o Awst gyda'n gilydd ym mharc antur ecogyfeillgar Greenwood yng Nghaernarfon. Hyfryd oedd gweld cyfeillgarwch newydd yn blodeuo rhwng y plant a'r oedolion. Y ffefrynnau mawr gyda phlant ac oedolion fel ei gilydd oedd y roller coaster a bwerwyd gan bobl a'r llithren ddŵr sy'n cael ei bweru gan yr haul!

Am y ddegfed flwyddyn yn olynol, mae Helpu Cymru i brynu cartrefi, wedi bod mor garedig â rhoi anrhegion Nadolig i'n holl blant, ac mae rhai o'n teuluoedd ar hyn o bryd yn mwynhau pantomeimiau Nadolig ledled Cymru.

Rydym yn cydnabod pwysigrwydd ac effaith ar ganlyniadau hirdymor i blant wrth ddefnyddio dulliau therapiwtig. I gefnogi hyn, byddwn yn parhau i weithio mewn partneriaeth â'n Therapydd Chwarae, Laura, i ddarparu hyfforddiant i'n mabwysiadwyr, ochr yn ochr ag ymgynghori â'n gweithwyr cymdeithasol. Bydd Erica yn gweithio ochr yn ochr â Laura i ehangu ein pecyn cymorth. Mae un o'n gweithwyr cymdeithasol, Ellie, hefyd wedi dechrau diploma mewn gwaith stori bywyd therapiwtig. Mae hi'n gyffrous i ddechrau ymgorffori hyn yn ei hymarfer yn 2024.

Rydym wedi cael rhai siaradwyr rhagorol yn ein grwpiau cymorth mabwysiadwyr, gan gynnwys Mencap yn siarad â ni am Oedi Byd-eang, Chiva yn rhannu gwybodaeth am sut i gefnogi plant a aned â HIV ac aelodau o Dîm Canolog y Gwasanaeth Mabwysiadu Cenedlaethol yn rhannu eu gwybodaeth am gadw mewn cysylltiad â theulu geni. Gobeithiwn y bydd mabwysiadwyr yn parhau i fanteisio ar y gweithdai deufisol sy'n cynnig cefnogaeth a gwybodaeth am themâu a phynciau perthnasol, a digwyddiadau cymdeithasol teuluol.

Dewch o hyd i ni yn:

barnardos.org.uk/wales

facebook.com/barnardoscymrufosteradopt/

Ym mis Ebrill, cyhoeddwyd ein cynllun strategol tair blynedd, yn nodi ein gwerthoedd a'n hamcanion ar gyfer y cyfnod 2023-2026. Cwblhawyd yr amcanion yn dilyn ymgynghoriad eang gyda rhanddeiliaid allweddol, gan gynnwys teuluoedd mabwysiadol a phobl ifanc o grŵp Connected Adoption UK (AUK).

Rydym wedi parhau i fireinio'r gwerthusiadau a anfonwyd at deuluoedd mabwysiadol sy'n cael cymorth mabwysiadu i fesur effaith a gwella ein cynnig cymorth mabwysiadu ymhellach.

Lansiwyd rhan gyntaf ein fideos 'Cyfres Sgwrs' yn ystod y flwyddyn i annog mwy o bobl i ddod ymlaen i fabwysiadu siblingiaid. Rydym yn ddiolchgar i'r rhai a roddodd mor hael o'u hamser i rannu eu profiadau eu hunain o dyfu i fyny fel rhan o grŵp o frodyr a chwiorydd ac wrth fagu siblingiaid.

Rydym wedi bod yn brysur yn codi arian ar gyfer gweithgareddau cefnogi ôl-fabwysiadu ac yn ddiolchgar iawn i dderbyn arian gan Gronfa Gymunedol y Loteri Genedlaethol. Fe wnaethom hefyd ychydig o godi arian ein hunain gyda her tîm yn ystod Wythnos Genedlaethol Mabwysiadu. Rhaid rhoi clod enfawr hefyd i Mam a Dad hynod a redodd yn hanner marathon Caerdydd, a dyn ifanc a redodd 2k i godi arian ar gyfer ein gwasanaethau cymorth mabwysiadu.

Daeth llawer iawn o bobl i'n digwyddiadau haf a gynhaliwyd yn Ne a Gorllewin Cymru ac rydym newydd ddathlu Nadolig cynnar gyda theuluoedd yn ein parti Nadolig blynyddol!

Hyd at 2024 ac yn gynnar yn y Flwyddyn Newydd byddwn yn anfon arolwg at bob teulu i wirio sut maen nhw a chanfod beth sy'n bwysig iddyn nhw o ran darparu a datblygu ein gwasanaethau.

Mewn partneriaeth ag AUK, byddwn yn darparu'r gwasanaeth mynediad at gofnodion peilot ar gyfer y bobl fabwysiedig a'r rhieni biolegol hynny yr effeithiwyd arnynt gan arferion mabwysiadu hanesyddol.

Dewch o hyd i ni yn:

- www.stdavidsadoptionsservice.org
-  twitter.com/adoptionwales
- facebook.com/stdavidschildrensociety
-  instagram.com/stdavidsadoptionsservice

Yn 2023, newidiodd AFA Cymru ei enw i AFKA Cymru. Ni bellach yw'r Gymdeithas Maethu, Perthynas a Mabwysiadu sy'n cynrychioli ehangder a dyfnder y gwaith yr ydym yn ei wneud yn y sector sefydlogrwydd yng Nghymru yn well.

Drwy gydol y flwyddyn ddiwethaf, mae AFKA Cymru wedi parhau i gefnogi NAS gyda'r Fframwaith ar gyfer Gwybodaeth Sefydlogrwydd Cynnar Cymru (SCC). Rydym wedi bod yn falch iawn o weld yr effaith y mae'r fframwaith hwn yn ei chael ac yn gyffrous i siarad â rhai o ofalwyr SCC ar ddechrau eu taith. Byddwn yn parhau i gefnogi pob gofalwr ac ymarferydd i weithredu ledled Cymru.

Mae AFKA Cymru wedi bod yn falch o fod yn gweithio ochr yn ochr â NAS i greu hyfforddiant i ymarferwyr a rheolwyr gofal plant ar Fabwysiadu Modern fel Opsiwn Parhad Cadarnhaol i Blant. Mae ein hyfforddiant wedi'i gynllunio i hysbysu ac ysbrydoli'r gweithlu i ystyried yr holl opsiynau ar gyfer sefydlogrwydd i'r plant y maent yn cynllunio ar eu cyfer. Rydym hefyd wedi bod yn creu e-ddysgu ar gyfer ein cydweithwyr ym maes lechyd ac Addysg i'w helpu i ddod yn weithlu sy'n fwy ymwybodol o fabwysiadu.

Rydym hefyd wedi bod yn cefnogi NAS gyda'u ffocws ar sicrhau bod perthnasoedd siblingiaid yn cael eu hystyried a'u blaenoriaethu wrth gynllunio gofal. Ar hyn o bryd rydym yn darparu hyfforddiant ar hyn ledled Cymru.

Roedd yn ffrainc hefyd i AFKA Cymru fod wedi hwyluso Cynhadledd Fabwysiadu Flynyddol NAS eleni a ddaeth â dros 140 o gydweithwyr o bob rhan o Gymru ynghyd i rannu enghreifftiau o arfer gorau. Rhoddodd y diwrnod gyfle i bawb ystyried sut y gallent roi'r arfer hwn ar waith yn eu gwasanaeth eu hunain. Roedd yn ddiwrnod gwych, ac roedd mor hyfryd gweld cymaint ohonoch gyda ni yn y gynhadledd.

Gan edrych at y flwyddyn i ddod, rydym yn edrych ymlaen at barhau â'n gwaith gyda NAS a'r sector. Bydd un o'n pwyntiau ffocws ar gryfhau arfer o ran dod o hyd i deulu a pharu. Edrychwn ymlaen at ymgynghori a gweithio gyda chi yn 2024!

Dewch o hyd i ni yn:

afkacymru.org.uk

 twitter.com/AFKACymru

Ym mis Ionawr 2023, cyflwynodd Adoption UK Cymru 'Sgwrs Mabwysiadu Fawr' gyntaf y flwyddyn ar ran y Gwasanaeth Mabwysiadu Cenedlaethol. Yn y digwyddiad, cyflwynodd Julie Morgan, y Dirprwy Weinidog dros Wasanaethau Cymdeithasol, ymddiheuriad hanesyddol am y niwed a wnaed gan fabwysiadu yn y gorffennol. Arweiniodd y digwyddiad hwn at sicrhau bod cyllid ar gael ar gyfer prosiect peilot i helpu pobl a fabwysiadwyd cyn 1976 i gael mynediad haws at eu cofnodion geni a chyda chymorth emosiynol gan glinigwyr a chyfoedion.

Cynhaliwyd ail 'Sgwrs Mabwysiadu Fawr' ym mis Tachwedd 2023, a bu gweithwyr proffesiynol a'r rhai sydd â phrofiad byw o fabwysiadu yn trafod goblygiadau gydol oes mabwysiadu.

Dros yr haf, cynhaliwyd digwyddiadau teuluol ar gyfer aelodau o Adoption UK mewn parciau ledled Cymru gan ddod â theuluoedd mabwysiadol ynghyd a rhoi chwarae i'w plant gyda phlant a phobl ifanc eraill sydd wedi'u mabwysiadu.

Parhaodd y gwasanaeth Connected i ddarparu grwpiau misol ar gyfer dros 300 o blant a phobl ifanc ledled Cymru a siaradodd pobl ifanc o'r cyngor ieuenctid yng nghynhadledd Flynyddol y Gwasanaeth Mabwysiadu Cenedlaethol ym mis Hydref am y gwahaniaeth yr oedd Connected wedi'i wneud i'w bywydau. Cynhaliwyd cyfarfod cyntaf Cyngor Ieuenctid Mabwysiadu DU gyfan ym mis Rhagfyr 2023.

Ym mis Rhagfyr 2023, derbyniwyd yr atgyfeiriadau cyntaf ar gyfer y prosiect Mynediad at Gofnodion sydd newydd ei lansio, sef y cyntaf o'i fath yn y DU ac a ddarperir ar y cyd â Gwasanaeth Mabwysiadu Dewi Sant.

Buom hefyd yn cymryd rhan yn y Gwobrau Acolâd Gofal Cymdeithasol a chawsom yr ail safle â Chanmoliaeth Uchel ar gyfer prosiect PATHWAY (TESSA gynt) sy'n cael ei ddarparu trwy gydweithrediad rhwng Adoption UK a'r Gwasanaethau Mabwysiadu Rhanbarthol.

Dewch o hyd i ni yn:

adoptionuk.org/wales

 twitter.com/aukcymru

facebook.com/aukcymru

Cofrestr Fabwysiadu Cymru (ARW)



Cofrestr Fabwysiadu **Cymru**
Adoption Register **Wales**

Rydym wedi bod yn gweithio'n agos gydag ymarferwyr a rheolwyr i sicrhau bod y Gofrestr yn gywir ac yn gyfredol. Cynigiwyd hyfforddiant gloywi i staff ar ddefnyddio'r Cofrestrydd/Gwneuthurwr Cyswllt. Bydd dyddiadau pellach yn cael eu cynnig y flwyddyn nesaf.

Cynhaliwyd arolwg boddhad cwsmeriaid ar ddefnyddio ARW/ Gwneuthurwr Cyswllt drwy gydol mis Medi. Roedd yr arolwg yn agored i fabwysiadwyr ac ymarferwyr. Roedd y rhan fwyaf o'r adborth yn gadarnhaol gyda'r ymatebwyr yn nodi bod ARW/Gwneuthurwr Cyswllt o gymorth yn y broses dod o hyd i deulu. Bydd yr adborth yn cyfrannu at ddatblygiad a gwelliant parhaus y gwasanaeth.

Cynhaliom ddau ddigwyddiad proffilio ar-lein eleni, un ym mis Mawrth ac un ym mis Hydref. Cafodd cyfanswm o 35 o blant a oedd yn aros o bob rhan o Gymru sylw yn y digwyddiadau hyn, ac mae gan lawer ohonynt anghenion cymhleth ychwanegol ac sydd wedi bod yn aros hiraf. Mae'r digwyddiad proffilio ar-lein nesaf wedi'i gynllunio ar gyfer dydd Mawrth 12 Mawrth 2024.

Cynhaliom hefyd Ddiwrnod Gweithgaredd Mabwysiadu a gomisiynwyd drwy Coram BAAF ar 15 Gorffennaf yng Nghaerdydd. Cafodd 28 o blant yn aros o bob rhan o Gymru eu cynnwys yn y digwyddiad gyda 23 o blant yn bresennol ar y diwrnod. Roedd llawer o'r plant a fynychodd yn rhan o grŵp o siblingiaid a/neu ag anghenion cymhleth ychwanegol. Y thema oedd môr-ladron a môr-forynion ac roedd yn ddiwrnod llawn hwyl.

Gwnaed cyfanswm o 32 o ddatganiadau o ddiddordeb gyda 5 cyswllt llwyddiannus, sef y nifer uchaf hyd yma. Mae'r Diwrnod Mabwysiadu nesaf wedi'i drefnu ar gyfer dydd Sadwrn 29 Mehefin 2024.



Y Baromedr Mabwysiadu 2023

Eleni cafwyd 16,700 o ymatebion ledled y DU, gyda 138 o'r rheini yng Nghymru.

Mae adroddiad 2023 yn dangos bod ymatebwyr o Gymru yn fwy tebygol na'r rheini o unrhyw wlad arall o gael mynediad at gymorth craidd yn ystod 2022, ac yn gyffredinol, yn fwy tebygol o gytuno bod y cymorth craidd yr oeddent wedi'i gael o ansawdd da ac wedi gwneud gwahaniaeth cadarnhaol i'w teulu.

Cymerwch olwg ar yr
ystadegau allweddol ar
y dudalen nesaf




Ystadegau allweddol yng Nghymru:



Mae **23%** yn dweud bod eu teulu 'yn gwneud yn dda ar y cyfan'.



Dywed **78%** ei fod yn teimlo fel brwydr barhaus i gael cymorth.



Cysylltodd **70%** â gwasanaethau cymorth mabwysiadu yn 2022.



Byddai **76%** o ymatebwyr o Gymru yn annog eraill i ystyried mabwysiadu.



Mae **77%** yn teimlo'n obeithiol am ddyfodol eu teulu



2024 fydd chweched flwyddyn Baromedr Mabwysiadu blynyddol Adoption UK.

Ymadawyr a Dechreuwyr Newydd

Mae **Barnardo's** wrth eu bodd o gael tîm mabwysiadu wedi'i staffio'n llawn, gyda 2023 yn eu gweld yn croesawu pedwar aelod newydd o staff.

Ymunodd Hannah (Gweinyddwr Busnes) â'r tîm ym mis Hydref sydd wedi gweithio yn y sector gwirfoddol o'r blaen – mae hi wedi bod yn gaffaeliad enfawr i'w tîm. Ymunodd Steph (Gweithiwr Cymdeithasol) â'r tîm ym mis Hydref, mae ganddi gyfoeth o brofiad a gwybodaeth gofal plant. Ymunodd Erica (Rheolwr y Practis) â'r tîm ym mis Tachwedd, o wasanaeth Mabwysiadu Gweithredu dros Blant. Mae Erica wedi darparu pecynnau cymorth trwy NVR, prosesu synhwyrdd a DDP - maent yn edrych ymlaen at ymgorffori ei gwybodaeth a'i sgiliau o fewn eu gwasanaeth. Ymunodd Eszter (Swyddog Marchnata) ym mis Hydref, mae hi eisoes wedi cael effaith fawr ar eu cyfryngau cymdeithasol. Mae hi wedi cwblhau strategaeth i roi mwy o ymgysylltiad cymunedol ar waith a byddwn yn ei chyflwyno yn 2024. Bydd Eszter yn gweithio ar draws eu gwasanaethau maethu a mabwysiadu, gan ganolbwyntio'n benodol ar recriwtio darpar fabwysiadwyr a all ofalu am grwpiau o frodyr a chwiorydd.

Gydag aelodau newydd yn ymuno â'r tîm, maent yn hyderus ac yn gyffrous am archwilio ffyrdd newydd ac arloesol o ddiwallu anghenion plant.

Ym mis Ebrill 2024, bydd **Wendy Keidan, Prif Swyddog Gweithredol Gwasanaeth Mabwysiadu Dewi Sant**, yn ymddeol ar ôl gyrfa hir mewn gofal cymdeithasol.

Meddai, *"Mae wedi bod yn ffrainc fy ngyrfa i arwain sefydliad sydd â phlant wrth wraidd popeth y mae'n ei wneud, ac rwy'n hynod ddiolchgar i gydweithwyr ar draws y Gwasanaeth Mabwysiadu Cenedlaethol am eu cefnogaeth i waith Dewi Sant."*



I ddod yn 2024...

Yn 2024, bydd y Gwasanaeth Mabwysiadu Cenedlaethol yn parhau â'n hymgyrch recriwtio Dewis Teulu, gan barhau i hysbysu darpar fabwysiadwyr yn well am anghenion y plant sy'n aros a chodi ymholiadau ar gyfer y plant sy'n aros i gael eu mabwysiadu ar hyn o bryd.



I ddarganfod mwy am yr hyn sydd i ddod yn 2024, dilynwch ni a'r gwasanaethau lleol ledled Cymru ar gyfryngau cymdeithasol i gael y newyddion diweddaraf.





Gwasanaeth
Mabwysiadu
Cenedlaethol

National
Adoption
Service

Angen mwy o help? **Dim problem.**

Cysylltwch

Ffôn: 029 2087 3927

E-bost: contact@mabwysiaducymru.com
adoptcymru.com